

穆

堂

初

稿

穆堂初稿卷之二

臨川 李 紱 巨來

火餘草

癸酉鄉試榜放聞里中報錄

盛世賓興禮數崇爭傳得雋走兒童鹿鳴宵雅

君恩重鳳羽朝陽士氣通六月槐花催夏課百年喬木占秋

風

是科臨川中四人皆故家子孫

孤生十九年羈旅

余年方十九

未許襴衫

待至公

讀宋書相和歌愛其奇古疑其荒忽因悉以莊語和

之今存十三首

氣出倡

和魏武帝思經學也

氣爲龍飛天而行行六合中俯臨萬邦却顧潛見惕躍
與時偕行彼天誠大乃藏於山連山之學良列其資其
在背也不獲身山不可以附地地之厚維歸藏地下乃
有天厥坤以先乾乾坤互爲根三易之原天地鬼神與
突窟宅苞孕無端垠散爲政事在典與墳伊耆烈山若
軒轅高辭安在哉惟二典存在璿璣玉衡以齊七政作
訛成易用以佑厥民降爲訓命言乃哢煩作誥誓疑懼
半惟意忠厚本於仁至誠可以感神皋夔稷契伊傳周
召迪知天命相後先書四代萬世治道之根原庶喜起

明良其聲大而遠正而昌五子之歌三風八愆繫於苞
桑韻語所流傳神之聽之終和且平川被筦絃施之於
樂章六代之奏雲門咸池六英暨韶濩其詞並亡惟大
武總干山立遲之遲而又久太師尙父應揚詩之道大
行用之邦國用之鄉人太史輶軒觀民情周轍旣東斯
道也不明我尼父因魯史垂之爲一經君臣父子其法
大光華袞鉞鉞自后王至於公卿莫敢不廩廩身已往
思遺令名丕休哉易象春秋皆禮爲之所有韓起來聘
曰周禮盡在魯誰爲修定袞衣章甫當是時禮失求諸
野至秦大壞事不師古漢興叔孫臧不絕如縷寔微

發息以逮於漢武河間憲王始得周官上之藏之秘府
周禮爲末儀禮爲本理有終始分爲二部二者爲經劉
向二戴所記乃其註爲器重爲文繁後世莫能舉

聖人治世休明之運啟草茅下士安得揖讓進退於其間聽
樂誦詩相與道古相與語天地萬物男女夫婦各得其
理究太始遊太素是爲始出之元氣倡之引之以極於
萬萬古

精削

和魏武帝作思名世之士也

大化初天地爲洪鑪萬物鑄以成在天以象垂在地以
形名騎星辰之氣來下於大荒來下於大荒曰維箕與

尾比美前阿衡比美前阿衡功成歸宿舍光芒燭彼蒼
耿耿廬中人安得並世生生也艱崧嶽之英申甫興

江南

和古辭言勵志也

江南多美田力田可逢年帶經鋤其間我鋤陌以東我
鋤陌以西我鋤阡以南我鋤阡以北

北音悲與西叶

度關山

以魏武帝韻陸子見道實孟子之正傳世俗莫知感嘆而爲此詩

人之身性爲貴自天陰陽有物有則聖者踐之以爲民
極昏者尋斧雨露所息人物幾希邈乎聖域儒者異同
聚訟以獄高則旣昏一失莫贖天君茫然官失其職先
立乎大金科玉律於惟鄒嶧指心用力陸子師之以規

徽因書與心二性天日斲科舉末學道聽成俗欲道問
學必先尊德求其放心所以致曲玩物喪志自詒伊戚

東光乎

次古辭韻思利見也

東光乎高梧鳳鳴乎高梧高梧蔽以萋竹實爲之糧車
庶馬閒馳多士毋自傷

十五

次魏文帝韻余爲忌者所排不得與試歸爲此詩

十五書劍成挾持富且有漢武舉士科逝將應異茂城
邑何攘攘絳灌够莫紀一奏衆目側再奏衆論起悄然
返空谷飯疏以沒齒

鼉露

次魏武帝韻此題與下蒿里篇魏武帝作咏漢末之亂余效之咏明季事因念本朝之

功德焉

惟明之季世逆璫殘忠良墨吏布四海流寇成兇強明
鼎忽然沒煤山哀君王彼闖奸天位天怒降咎殃

聖人起東方滅寇奠周京下令官與民人持三日喪帝后葬以
禮率由仁義行仇讐一朝洩社屋夫何傷

蒿里行

次魏武帝韻意同竈露

帝王撫四海驅除先羣凶有如昏夜窮赫然昇朝陽殘
星就滅沒次舍空周行馬阮諸小人釜魚猶相戕

聖作萬物覩

恩膏被四方山谷息盜賊井邑還流亡煙火萬里間雞犬聞吠

鳴遙想亂離初惻然摧肺腸

對酒

次魏武帝韻喜逢盛世也

對酒歌生逢時顧俊四門

嘉運屬休明萬邦黎猷無留良

主聖仁民用康阜五穀用成庶草廡百室既盈牛馬以谷量
江海安瀾地平天成父老以歲時伏臘祝雨暘寒燠風
咸應乎時乃奄受厥明子能孝弟恭厥兄斷死罪衰息
無極刑行百里不賫糗糒朽粟陳夜不閉外戶少有養
老有所終垂衣裳山龍而華蟲

雞鳴

次古詞韻勸學也

雞鳴何膠膠參昂星正中努力事經畬

聖世方太平經學苟不充安得功名黃昏向燈火咿唔及
夜闌豪傑貴自立況有聖者倡遙遙三千年乃今逢

文王蓬山鳳皇池白露紅鴛鴦鴛鴦各簪羽序列於周行
金門啟青瑣鴻文秘寶箱五日一侍直熏香奉夕卽幾年

窺邃密騰身

閭闔仿雲錦補袞衣天章誠煌煌令修政刑明興仆植厥
僵流勲旂常端百世當不忘

烏生

次古辭韻余家臨川三十餘年余生亦二十
年矣忌者詆爲冒籍不令與學使試因和此
篇

鳥生八九子雌雄雜居巢中間喈爾凡民各有兩橫目
安知雌在左雄在右何用相傷投金丸鳥生有三足喈
爾金丸安能加鳥身鳥有精氣隨日上天羲暨和馭我
鳥飛馳若木虞淵間喈爾凡民安能追我鳥青冥萬里
路莫通蝦蟆醜惡乃在明月中爾何不彈蝦蟆作脯哺
啗彼兔兔無翼能天飛爾民何不炮之燔之蟬螻垂首
下飲民人釜何不加彈蟬螻口喈我鳥之生文明耀天
字彈者盡去毋隨我後

平陵

次古辭韻用漢宣帝徙民實平陵事壬申二月余將徙居下龍家貧莫有助者故云然

平陵東新豐不忘孝昭天下公天下公兮公天下貴

高百萬來走馬來走馬
隼胥字水衡錢出帝心
惻帝心
側酒可灑新第宅驅舊雞
墳

陌上桑

次魏文帝韻余有遠行也時方歲暮第五弟繡以是年從大人客而殤往台視焉

將遠行顧家宅拜高堂去爲客渡寒澗越阡陌襍被延
綠步若飛笳雷電交作烟暗路失雁羣相索望薌溪渺
渺西門石驚風逝羽勢迂錯薌上露蒿里柏夜臺魂魄
相枕席橋木寒歲晏恐零落躊躇念往日苦悲惜

山中行三章

樹深山如巷峰高路似梯穿林驚宿鳥木葉帶霜飛
陰崖凜可畏懸冰如劍戟偶爲溪聲留立數水中石

朝陽在西山零露如零雨幽花何黯然惟有幽禽語三

白楊道中

前村松火夕陽低野碓春烟隔小溪一徑白楊門外路
滿山秋葉襯黃泥

丁家陂遇雨

驚濤平浸垂楊尾沉睡低枝吹不起一天紅雨落花初
十里寒雲臥春水行人渺渺丁家陂鷓鴣一雙相對飛
歸去山中好風物滿林春筍鯉魚肥

山齋種蕉

移來幾葉黃昏夕古牆苔影重重碧勢接空亭竹數竿

閒雲相亂不相隔小齋得此如深山掩映紗窗讀周易
尤喜無人孤坐時靜听蕭蕭春雨滴

章江夜泊

章貢雙流壯茫茫勢動天城連帝子閣飄憶小姑船雨
卜聞江能風徵信海鷺千篷明月好竟夕擁吟肩

小山吟

有序

余年十歲時戲以其意爲詩匿不敢示人十一歲
始得律詩粘背之法於蒙師吳迂齋先生明年遂
大爲之因與里中諸先生爲詩社諸先生皆丈人
行迂齋先生年六十一吳登于先生名岸年五十

六游十洲先生裕洪獅山先生橫秋年皆四十二
吳湖山先生祿最小猶年三十六而予以十二齡
童子與焉時聚居山中諸先生各以山爲號而呼
余曰小山因爲小山吟以咏其意

淮南昔招隱叢桂山之幽賓客八公徒著作如琳瑯遂
分大小山風雅同唱酬臨川富文献著作侔崇邱况乃
逢

盛世相與追前修上以咏太平

帝力宜歌謳下以陶性情山川足泳游耆英儼喬嶽千峯爭
崢嶸顧我一卷石雅不辭培塿吾聞泰山高土壤亦並

收雖無松柏材青青凌冬秋佳氣所蒸鬱芝菌或可求
困蒙敢遠質養正乃良謀撰杖共陟嶽奉几同息暇安
知山大小攀樹聊淹留何時風雷驚破山飛龍虬

秋日山齋偶成

隙地秋生早庭空木葉深早蓮明落日濕桂墜寒林久
渴還孤酌多愁漫苦吟無因聽田水寂寞古人心

游氏寓齋二首

蕭瑟蓮無賴扶疎柳不情倦鴻烟正落壞草雨猶生小
汲翻寒綠微吟倚晚晴最憐蘆雪重臨水故盈盈
尙作山中臥清宵寐不能空聲騰萬馬遠思振孤鷹樹

暗色添雨螢飛光亂燈休文愁似海秋日倍相仍

千金坡早發

何處早行行荒烟羊角城山寒欺日色霧重識江聲
盛世功名重暮年道路輕征車還轆轤僧夢幾曾經

初冬過雲亭

霜葉堆寒及此行梅花樹裏放春聲嶺雲贈客本無跡
晚水逢人初有情黃卷未收千古業青山遲結十年盟
與君共畫寒灰燼坐斷山城月幾更

奉懷吳迂齋先生

相逢樽酒春前醉別後秋聲月裏聽三徑故人空寂寞

十年弟子正飄零荒山落日蒸林赤老屋炊烟接岸青
欲載侯芭奇字酒西風重過子雲亭

章門雜詩

有序

家臨川三十餘年矣丙子秋應鄉試一二好事者
誣爲冒籍排擊不遺餘力乃得蕭然事外盡收章
門諸勝而覽之山川綿渺心目孤行登滕王閣則
知帝子之不可復作也歷百花洲過寧藩故居則
知豪強者之易於漸滅也登列岫亭觀長江奔放
烟雲竹木題咏絕然則又嘆轉瞬之餘名公鉅卿
之勝聚不可常而江山不隨人事而盡也覽其盛

衰興壞之紀得失往來之迹怡然暢然酒可飲詩
可咏虛往而實歸視彼試不售寂寂以反者其所
得何如哉且使余此行而見售必且得與場事不
得與則必不見售棄無益之舉爲有益之樂夫烏
知惡予者之非成予耶因檢所作汰其半而存之
亦因以自慰焉時十月既望

黃昏渡

誰將行處艇載我別時愁白日寒山外黃昏古渡頭岸
迴雙樹正村逼一林周猶有孤鴻急翩翩逐遠遊
新舍渡舟中對月

襖被胡爲者栖栖作此遊未堪停野渡況復是孤舟
月沙逾淨荒江霧不收霜花寒且白試與比吳鉤

泊武陽渡

霜月照孤艇又宿武陽渡浩波不可極欲浸前隄樹野
風吹落葉似有人來去寂寂蘆花影漁舟不知處

中秋夜望試場燈火

秋螢露重已飄零湖上花燈照眼青豈爲龍光射牛斗
却疑犀照怒精靈羣欺出海一輪月爭助連天千點星
人道中秋似元夕轅門鼓角正堪聽

新城門關壯繆廟題壁

古屋森森露氣哀
荆襄舊恨首重回
虎臣偶爲芳仁誤
貉子爭誇呂陸才
鬼火縱橫休競出
神旂飛閃定重來
清時廟食公長在
憑弔興衰酒一杯

過宸濠故居弔婁妃

女智莫如婦
吾嘗聞斯言不用婦言
敗宸濠母乃顛聽
言及芻蕘況乃妃匹賢
戰敗悔心出無端爲禍
先有來告妃烈若杵
投深淵拱手謝虔撫
先生勿棄捐是嘗苦
口諫規璫吾之愆
吾聞婁一齋理學承
薪傳賢淑見諸孫
大節光逆藩陽明昔
志道婁公啟先鞭於
妃宜敬恭世講明淵
源榛樛葬以禮彼昏
徒拳拳寧封自太祖
獻

王尤光前至濠忽然没人也匪由天分胙失茅土窈窕
鬱黃泉遺宮作官廨茂草寒秋烟炯戒千萬年忠孝宜
弗諼

北蘭寺和巡撫宋公韻六首

高高下下勢相仍貪看池亭次第增遊客不聞車馬至
豈能容易見山僧

井闌秋草露華滋荷盡空餘葉滿池却愛西山萬紅樹
朝陽看到夕陽時

棟花坪上更攀躋塵額何人拂舊題惟有征帆吹不盡
長風日日大江西

卷之二
畫眉咽嘶閉筠籠鷓鴣先鳴候不同莫怪禪庭芳草盡
樹頭還有白頭公

參寥舊日泉同酌慧遠當年酒可賒敢效江南韓相國
衲衣歌院按紅牙

惆悵山川萬古心閒情一往向禪林子矜使

節難同調愁苦驩愉各自吟

青雲譜拜梅仙祠

祠者棄官之梅仙此地獨以青雲著毋乃當年解綬心
猶望青雲思得路我緣鄉試走豫章欲望青雲依末光
鎖闥不與閒無事來拜先生之祠堂先生子陵之妻父

一官輕於吳門戍冰清玉潤何稜稜似此青雲那得附
區區祿養非所求俛俯再拜笑而羞青雲蒼蒼不可見
唯有白雲同清秋古來宦海難長處翻手青雲覆陰雨
欲共誰何結素心此間真是青雲譜

北蘭和邵子湘六首

窪然水一方誰構此茅屋萬竹蔭長宵虛陰自相觸所
以不能忘拏舟登岸宿

仿舫居

天風牽薜蘿萬籟相汝爾寧知塵中人乃復亦到此苔
影入衣裳綠痕不能洗

到汝堂

一亭了無異列岫勢可握低簾入沙渚白水搖青嶽暗

帆山下來江光見雨脚

列岫亭

蟋蟀應候鳴藤蔓雨中落西風不復花離離瓜可削相
成在此時毋言秋氣惡

種瓜圖

我來秋已寒棟花不復發相遇各有期風聲空相戛會
當花發時踏碎紫錦襪

棟花坪

汔井誰可期羸瓶爲我惻世事良有然素縵入虛白所
以澹雪蹤欲見不可得

澹雪泉

丁丑之歲

皇帝北征大捷膠庠下士遙聞

聖武曷勝歡躍稽古樂府軍樂有鼓吹饒歌宋何承天魯私

製十五首軌昉其音節次之仍去其名義不合時事者
共得十篇非敢云鋪張揚厲聊備草野謳吟之私云爾

朱路篇

煌煌朱路行金支抗九華招搖儼在上瑞氣蒸紅霞駕
言同我馬亦已攻我車六師驩且騰慷慨爲饒歌童童
望

羽葆鳴鳴聞清笳雷出地乃奮樂奏神人和居庸山崔嵬
灤河水微波鬱爲五色雲遙連長城阿睠茲軍氣樂乃
知

皇威遐呼韓與屠耆享王歸

相室不步
卷之二
三家

戰城南篇

戰城南古邊塵今來漠北皆雷震仁聞昭

天心殷喀爾喀眾如望雲赫厥聲濯厥靈天地大德惟日生
獸鋌亡鳥驚鳴羣醜散失如晨星厄魯特西北旋穹廬
泯滅無炊烟哈密服義旂攀克渠仰藥呼蒼天繫其孥
繁有徒苞稂既芟嘉禾蘇士氣樂軍容都凱還鐃吹爲
歡娛

將進酒篇

將進酒賀

聖朝旅疏核陳羞肴牙旂揚六纛交行謁猷集羣僚士結鎧
馬錦鑣天山城瀚海濠紀上勳敘前勞念秋駕懷春遊
同苦樂規投醪霧息霾星絕妖從軍曲歌且謠舍行枚
忘喧呶橫絕漠靖大荒疇逆

命自速亡勸我士人一觴彼童昏天所殃

君馬篇

君馬牝而黃烈烈千里姿我馬牡而驪駸駸相追飛早
發隨朝陽夕驂及落暉奮足立雙耳參差交淑旂

聖人正有道萬服歸

邦畿赫怒肆

天討中樞愼戎機維茲汗血羣驩騰嘶不悲長道芻茭豐勝
兵瘡痍稀繁纓列九錫騎吹陳六師用征四不庭以奉
三無私蕭蕭當風鳴轉疑塞草肥

天閔多飛龍故羣遲爾歸

芳樹篇

芳樹驚秋風深閨思徘徊征夫聞凱還匣鏡素塵開金
錢新卜叶錦衾前夢諧佳音訛鄉里拂衣臨前階仰見
雕梁燕烏衣方並棲蘂砧去我久皓月明深閨絺帷涼
自飄霜氣寒以悽早晚見歸人酌壘紆永懷修我舊時
冠理我昨歲袿

神武兵革息同樂無相乖

有所思篇

有所思

聖人凡有血氣同尊親萬物覩大暮晨乃武乃文乃聖神外
六師內六卿政修事治安以榮鳳巢閣芝生楹正符旣
叶瑞應明罷奔奏列疏附將釐圭瓚士昏娶望山川類
蒼旻升中告

帝陳芳辛修禮樂損益因紀功勒伐齊典墳

雉子遊原澤篇

雉子遊原澤文明開羣心如鳳鳴高岡如鵲集泮林桑

甚好音懷梧桐朝陽岑呦鹿既食野鳴鶴亦在陰化日
明堯階薰風和舜琴何爲盛若茲永消革與金文武事
互用張弛理相尋澗盤出遺彥巖阿啟幽襟懿德肆時

夏

聖治同肩任大化六合一

仁恩萬載深

臨高臺篇

臨高臺望天衢雲物嘉祥盈太虛彼何世白雲鄉何如
聖化同天翔俯靈沼登靈臺神仙虛無傳蓬萊仙人掌承露
盤七月七日來紫蘭觀八紘馳九州何如身並唐虞遊

舞干羽載千旌有苗來格神化冥牛放野馬歸羣千秋

萬歲奉

聖君郅隆登明盛遭顧瞻蕩平

天心勞

遠期篇

遠期軒轅武乃在皇古辰近開明祖畧戎服恒躬親豈
非六伐張庶今四裔賓武功先布昭文德懷遠人固難
獨究武亦難徒任文

龍旂指漠北烽烟清邊塵

天子文旣聖

天子武亦神聖文與神武德威四海均武夫已畢力文士各
致身天保采薇歌

皇清永萬春

石流篇

石上流水有旋其波爲原爲委後海先河

聖人之樂乃與民偕彼頑未靖載軫予懷大漠萬里勞我夢
寐取彼克殘民樂斯遂舍厥脅從撫茲攜嬰

威德旣廣地平天成萬方在宥咸樂

景運阜民之財解民之愠夫何爲哉南面恭已被諸樂章

德音不已

過榮山外大父吳公故居

孟府君家子姓稀，淒清門巷掩荆扉。
冥鴻一舉無由至，舊燕重來只似歸。
某水某邱遊釣在，余兄弟並育於外氏我疆我里土田非。
當年宅相然疑半，每過西州涕掩衣。

喜四弟至又有遠行

渺渺經年別，翻驚意外歸。
行藏哀爾困，奔走傍人微。
客況看虛橐，啼痕在故衣。

上林有佳樹羽翼共高飛

隔歲行方至，猶言急所征。
理裝孤路永，拂袖故山輕。
慷慨離色徘徊去，住情吾巢慎風雨。
辛苦卽家聲。

再之寓齋

雨收旋就道誰令爾忽忽濕路明
鮮日乾花落軟風農
爭春事早樵趁晚歌同我亦東方
急硯田秋莫窮

藕湖二首

潁沆空湖潤春來勢轉加
倒垂天反側密蔭地甍
鸛歸烟暝新楊得路斜
枯莖堪想像應不待荷花
選勝頻遊此荒湖擅一城
老春烟影淡暖日水痕清
天闊開心目人孤見性情
欲歸還少好隔岸有鴈聲

姑溪

姑溪饒野意行子思奔忙
新漲入幽樹春芳背夕陽
鳥

啼重暗響風落重虛涼不辨仙源近塵緣慙可忘

二十四夜與傳聖涯待月忽聞雨聲

日暮移樽取薄醺旅中待月且同君計時祇似纔更動
堅坐應知到夜分燈背乍疑窗影暗屋低驟逼瓦聲聞
閉門湖黑禁相對耐可重論舊日文

豔歌何嘗行

閨鄰婦也

湯溪碧桃樹云是天上根東皇一披拂灼灼新花繁
自矜貴無匹裊露烟霄端一朝時會失移植來荒園
暖日不相照風雨長摧殘落英離哉翺青春空漫漫
未蒙生相憐死固宜相捐珍重後來者微生不足言

解四

春風草序

凡詩文未訂者曰草以其蒙也雜也率也繇也亂也故
於草乎有取爾也吾詩自十一歲至十八歲得七百餘
首燒之不盡一百又四年始成草命曰火餘吳洪二先
生敘而存之自是又三年續有漁山草春星堂草楚遊
草共三百有奇今春開年以來日永心暇發篋檢之怪
其滋蔓因憶白香山題草句子云野火燒不盡春風吹
又生啞然一噓遂合錄其可覽觀者一百七首

今復刪
四十八

首名曰春風草豈謂生意無窮乎亦以俟後人又燒薙

也康熙戊寅三月旣望李紱自識

穆堂初稿卷之三

臨川 李 紱 巨來

春風草

早發

出門殊惘惘登道更遲遲
早日已倉卒東風生別離
雞聲傳昨恨花霧攪春思
最是啼鳥急摧頽失故枝

題歲朝圖

廿載春風未覺遙
川流雲駛去迢迢
冰綃一幅無端展
只道驚心又歲朝

將有遠行值內人臥疾

作客長相憶在家翻遠離如何迫此勢不得念其私寒
雨添愁數春花放恨遲懷安吾不爾意亂底如絲

飽識別離苦長嗟生事微相看日滿地回首風吹衣行
也卿言是歸與吾道非鵲林空守潔安得稻梁肥

琇水園八首

北窗

幽人魂夢清如水樹上嬌鶯啼不止起向林間聽鳥啼
始知身在深山裏山雨欲去四窗明山雨欲來茅屋青
雨去雨來醉不知東風吹夢幾時醒

古井

井裏雲根深不知時有白雲出井飛水浸銀床夜不寒
歲歲青苔作汝衣我言此井良亦足月光倒影琉璃綠
春雨雖無石墨功秋風尙免臙脂辱

高樹

屋邊高樹一千尺樹上幽禽四五聲山童報道日過午
山人曳履出戶行樹間秋雲若可把遮斷斜陽不得下
涼雨冰人不濕衣啾啾蟬聲出四野

夜月

白露熒熒窗紙濕幽人看月如不及河漢縱橫三五星
滿地秋光不可拾漸上梧桐光欲微絺衣還就東牆立

山中正愁風雨多月月光奈爾何

芭蕉

大葉如旂五六幅簾影重重含晚綠猶有山雲度墻來
參差齊向林間宿有時將雨滴愁聲風亂山燈天不明
天明尋雨無踪跡又見寒雲冉冉生

楊柳

婀娜章華臺上枝憔悴勞勞亭畔絲北窗主人兩不知
乃復種汝何以爲翠帶深深吹不起挽得春烟千萬縷
會須移向靈和殿散入長楊作風雨

竹

池上數竿涵曉翠
淇水早晴湘水暮
不嫌鳥雀爭空巢
時有龍蛇出風雨中
絕無好事人
主人箕踞岸其中
醉後不知寒影亂
落葉重重空滿身

草

主人愛草有何意
草自無言足可憐
夕陽弄晚黃入地
斜雨嬌春綠混天
不遣佳人春拾翠
不放王孫遊冶騎
不是長亭與短亭
不見春愁愁不成

由川前至黃潭

行盡春山不覺遠
山行一步一流連
提壺勸客正無酒
榆莢買春初有錢
幽岸照花雙影曲
暖流穿石數波圓

孤懷竟日堪誰共坐看明湖媚遠天

閏三月病起有作

聞道花飛開更新東君歸思亦逡巡因愁廢却經時酒
爲病多留一月春瘦比杜陵猶未老美如曲逆豈長貧
子雲遙待千秋後眼裏悠悠恐失真

寓齋送六弟二首

弱弟獨家去家貧倍覺親舉步不相送回首各傷神艱
難兼雨雪辛苦及風塵去去春山路無爲長傍人
與汝天涯客家鄉何處雲生成雖此地流落竟誰聞曉
行烟渺渺春夢月紛紛時危各努力但去復何云

雨眺

檐雨本無色翻能綠細苔草堂虛不掩竹影到門來

落桃花歌

昨日枝頭今委地却怨山中連夜雨莫把桃花便棄捐
無花尙有開花樹人情色衰愛亦衰此時忽遣崔郎知
東風能去亦能來看我明年二月時

十七夜蕉陰待月同洪師山先生

層陰相積不相隔坐與夏蟲語幽黑主人待客門未闕
遙見虛林餘片白風吹雲破見疎星黃昏燈火宵冥冥
客子不來月已來月來始覺高天青今夜月來非不蚤

和昌黎先生集卷之三
世人盡說前宵好，雲鬢玉臂紫霓裳。未必嫦娥今夜老，
輕風幾幅萬衣寬。山城鐘鐸夜漫漫，與汝乘風上廣寒。
送人歸盱江

墻頭梅子紅如醉，墻下苔錢綠無數。姑射仙人騎霧來，
綃衣曉帶姑山雨。霧雨映空空不分，隨風散作雲亭雲。
元旨流連不復記，星河錯落珠璣文。榴花欲紅桑欲白，
雨中齊送姑山客。西風還過益王城，共掃白雲坐秋色。
絕糧五首

朝日上杲杲，寒重白無光。四山霽不開，千林烟蒼茫。鄰
家炊脫粟，東風花甌香。啟棗視宿春，纔足昨日糧。悵然

立空庭林花落野塘

澹泊足明志豈爲稻粱謀堂上有老親蕭蕭已白頭亭
亭南山橋風雨將及秋青青北堂諼焉得終忘憂中夜
起長嘆白雲天際浮誰能抑六龍頓轡爲遲留

頗無季子惡時得妻孥憐見我長笑歸故言桑有餽時
復相慰勞苦茗具我前丈夫七尺身咄哉何以然仰見
楊柳花東風吹作烟煩愁不可送柔絲空相牽

世無陶胡奴高節成空虛我非顏魯公乞米帖難書却
之幸無庸乞之亦已疎笑者旣碌碌慰者徒區區周旋
日云倦知吾自有吾

門前有松樹烟日老其姿陰爲風蕭蕭寒爲風霏霏風
搖心愈定雨重葉相持歲月旣已久骨節成蛟螭高枝
拂流雲強根護深池自非風雨德大任將安施

春日卽事

欲問春深淺桃花澹不言水肥侵岸趾雲靜足山根野
燒紅無跡荒流白有痕啼鶯何覘睨楊柳滿西村

九日道間

不知緣底事路上有重陽雨盡澗猶黑日來山半黃登
高無所望行野非吾鄉惟有寒花露相逢客裳
夜坐同吳博君限韵

寒吹凌人至秋情一往深卷簾通夜氣掃地布花陰風
勁霜盈屋月明水滿林不須尋紙帳橫榻對蟲吟

日暮

殘雨初收半掩門竹低如睡暮雲屯鳥聲隔屋山初暗
燈影當窗紙未溫章句不堪矜自得稻梁真足喪吾存
數弓猶是他人地夜夜秋風夢故園

雨後獨坐

檐滴虛初歇靜心適與同鷺鴒散宿雨落葉聚寒風草
病濕難綠霞高斷更紅山雲猶掩月覓伴影還空

雨夜

園蔬閒積水寸寸夜生明竹雨半天勢松風滿屋聲虛
空橫欲斷變化互爲爭心與閒燈往悠然忘眾情

寒屋爭相動疎疎四壁空山搖燈影裏人坐雨聲中客
子夜應旦天公冬正窮風威不可避堅抱一爐紅

山曉獨行

寒日佈山面縱橫發微明木葉氣漸暖凍鳥飛相鳴褰
衣步日上竹雞背我行牆東見空巢鵲來上下爭山爲
霜雪冬見日起春聲少焉入幽欄土寒猶堅冰衆嚮閒
如夜萬彙無一情乃知避喧理固從寒處生

竹下芙蓉

玉立亭亭石與丁信知名士悅傾城田期夜月知情重
爲避秋風識體輕翠袖天寒相向倚紅衣日暮竟無聲
瀟湘從此添惆悵烟雨啼痕處處生

曉寒

冷日遙光散紙屏山中茅堂堅自扃風疎牆角警梅夢
露密叢頭聞竹腥旦非求得鶻無語天爲凍晴鵲有靈
聞道長安獨炎熱蹇驢破帽衝晨星

單衾夢醒榻如空自起開門入朔風茶椀正凝金琥珀
土花虛結玉璫瓏池水骨生有新白爐火質亡無宿紅
甚欲題詩學東野車船莫送昌黎窮

偶成

蕉葉離披雨未成
樵歌風起兩三聲
坐深茅屋秋先過
行到楓林晚更晴
流水面承寒霧薄
歸鴉背負夕陽輕
山中竟日清無事
自捲虛簾待月明

落葉

且毋掃落葉
落葉不勝情
凌曉叩霜夢
清宵踏月聲
寒來千樹薄
秋盡一身輕
祇恐西風怒
辭予更遠征

醉歌

以酒傲寒風
獨向風中立
石磴竹香間
衣痕霜氣集
黃烟高於身
山雨吹不濕

獨坐

友人亦已散步檐還獨坐纖月落未盡竹影當人臥
高
天露浸涼亂葉鴉啼破冉冉白雲流星漢光如墮

春雨懷大兄巨中

客途真自遠容易得三年殘雨花無信深燈夢有緣啼
鵲山向屋飛雁路如天楊子春波闊東風懶放船

午日帖子呈吳迂齋先生

蒲塘一曲蕭森雨解衣共坐垂楊渚紅榴照眼相向開
白鳥掠波還自舞家人風俗吳楚餘髻側花旛臂綵縷
先生百福天所宜不用蘭湯祓重午酒酣裂却辟兵符

爲寫宮中舊致語

千葉蓮花

千疊紅衣最異姿未開獨有主人知
他年定賦璫璫玉種向天家太液池

窮交行

世路日已老漸識窮交難投報
貴所稱徒取良未安我躬亦多闕
而謂人能完獨有數株松離披共歲寒
行人方目笑盡作不材看

落解歸藍長青以詩見慰次韻答之

偶然隨眾往浪迹章江湄
逆旅易耽酒歸舟好賦詩
我

將無用世以不知知試問東山臥今來醒幾時

積雪

積雪荒齋冷柴扉罷往來晨炊戴雨動午飯向燈開屋
重疑崩瓦爐深欲陷灰敵寒無上策傾瀉到餘杯

將雨忽止有作

風足蹀躞至瓦鳴檐雀翻濃雲逐飛鷗倏忽過前村虛
室互明晦高天變朝昏礮礮出如火林木相崩奔驚疑
天疾威悚息斂形魂鄰婦亂呼兒倉皇閉柴門忽然眾
籟息萬竅寂無喧雲破山亦露千尋青連娟陰晴那可
定動靜何所根造化自兒戲誰當窺其源

出門

挈衣出里巷朝日正便便草露明荒澍山烟入遠天到
來行役事不盡別離年何日吾廬好長鏡學種田

楚遊雜詩

有小引

丁丑冬聞大兄巨中旅寓火裝資都盡十一月既望
衝雪往覓之挈錢三百文自家至楚襤被孤行一月
往還三千里風波豺虎之危寒餓勞頓之苦真有生
所未嘗者日爲詩數首路無筆札遺忘畧盡聊復記
憶一二附存于篇昌黎云不知當日何能自存事後
思之余亦屢心悸焉

雪中過東林寺

豈欲凍遊子天寒合此時吾行苦不早乃與雪相期
蘇業今誰屬清風古在茲躊躇三隱地烏雀弔荒碑

遠公空自遠留得一溪冰山影晃寒竹檐光隱暮燈亂
途新雪合深壁古雲崩行脚猶高臥勞勞媿病僧

去去竟安適行行轉自非路蟠山腹壯溪凍石頭肥見
客一相問逢人多道歸過橋誰解送慎勿扣僧扉

黃龍山下錢氏雙節碑

我入黃龍山夕陽去無迹古道何所有荒烟立孤石上
書錢氏婦苦節得其直徘徊一撫讀悵然三嘆息誰云

查味苦乃與梅同質

碑云節婦娣姒二人似氏查二十而寡無子娣氏梅十八而寡一子

二人共撫之

稜稜千秋上青天照白日黃龍有時化此碑終

不失

潯陽江中回望廬山殘雪

眾山伴已去孤壑獨生明不以高難久翻從少見清盈
盈壓江水遠遠送孤征祇笑白雲出歲寒無定盟

舟次武穴阻風

心知不是遠行客遙語石尤休見侵舟欲培風且一息
山當作雨時多陰身非蓬葉有根繫愁比江聲無底深
信是登臨易惆悵故鄉新夢正沉吟

孤雁

片影雲相失，孤飛葉共輕。
亦知風雪苦，終惜弟兄情。
渡水黏星影，依蘆宿浪聲。
天涯還聚首，應不憚宵征。
抵漢口尋大兄不值

風吹鴻雁大江昏，異國陰沙捲樹根。
作事十年多落魄，思家千里獨銷魂。
荒岡曉趁牛羊路，逆旅寒依虎豹村。
留得懷中漫滅刺，出鄉未敢賤王孫。

鸚鵡洲放歌

昔人援筆賦鸚鵡，此地空留向江水。
後代才人那復來，前代才人已如此。
文章真氣爲精英，陰風濁浪洗不平。

楚州江上多奇山往來獨於此鍾情芳草死不生童童

當年裸體形

洲今編入屯籍民居輻輳厝舍外但饒白沙絕無芳草俗呼白沙洲屯書則仍舊名

怒沫噴如傾鳴鳴當年訶罵聲漁火潮腥連七澤煌煌

衣照先生魄先生英氣何處行晚水迷天江雲黑嗚呼

哉漢室棟撓不可迴紛紛叔季生賢才不登陳王堂或

拜受禪臺鍾繇筆妙何崔嵬華歆勸進心爲哀陳琳空

草檄劉楨亦磨石七子何人屬建安北海孔融真可惜

先生知勢不可支追隨鼠兔復不爲堂堂亂賊人不識

獨以謾罵彰明之孔子昔日修魯史筆削口誅存大義

先生不能誅阿瞞載之空言亦行事人謂先生涉世疎

我謂先生早見幾作賦已知言取尤此身可白不可緇
荒草雖淒淒頗如商山薇黃沙亦霏霏猶可懷三閭伯
夷屈平禰正平先聖後聖同一揆高節良可慕清風百
世師君不見闕侯拒婚日貉子怒變色紫陽亟咨嗟謂
能明漢賊先生聖之徒賢者雖狂不可測我以尋兄涉
楚江異鄉風雪雨茫茫尋兄不遇故人絕再拜不能持
一觴烟樹去欲沒纖月落無光寒威颼颼江風強對此
躊躇不能去城烏亂啼空中霜

舟泊新畬渡晚眺

久苦舟如獄沙頭始一歡江流來不極明月去無端鄉

思依天閣歸心越水寒清光那得寐納手向江干

宿長岡邸舍

吳山楚水歷蒼茫喜聽聲音是故鄉
裘敝尙能依好友囊空何以慰高堂
深山虎亂風吹日野店雞鳴天隕霜
留得布帆無恙在家人相見一霜裳

吳征草小序

良工不示人以璞古而志之南山之豹霧雨未七日而出焉其足觀也幾希矣三吳故盛俊髦辛辛秋偶爲汗漫之遊遑還四千里荏苒兩時山川里道人物風土馳驅周旋應酬牽率得書序論記傳誅雜文如千首而詩獨多三存其一撮而錄之聊復存時日之注志予後悔策彼前途云爾私諸敗簏未敢以示人也壬午再選其有所得亦併附焉癸未燈夕穆堂李紱識

穆堂初稿卷之四

臨川 李紱 巨來

吳征草

白水滌

一滌高無極孤泉落壁幽山頻添曲折風故作遲留涼
氣千峯夜瀧痕萬古秋雲中一陵眺直接九垓遊

松湖

松湖湖上雨絲絲張蓋孤行信所之茅屋幾家饒畫意
槿籬一帶豔秋思溪收眾聚添新渡路入雙岐讀古碑
拚與蒼涼誰復問過江自謁武安祠

鄧家埠早發

雞鳴吹火起出戶理征袍野渡人聲亂荒江秋氣高柳
衰黃婉婉山遠碧周遭漫許吾生重都忘造物勞

遊小隱岩

舟行困沿溯歷眴雲嵐近江起嶄巖仄徑窮幽探熊
蹲一丘壯中虛逢珠龕前峰臨其腦草樹垂盤鬱飛泉
琮琤落異音聞雅南穴閤佛火明依石休蒲庵老僧前
肅客枯瘠如瞿曇苦荈滌塵慮世事誰能諳頗疑方外
人脫縛春絲蠶是時秋氣高深篁森碧含天光抹微隙
掩映爲蔚藍此中信可隱土肥泉旣甘雨臥煙靄足晴

眺風日酣佳境不復留顧瞻徒懷慙何當濯冠纓驚鶴
隨仙驂

至貴溪尋第五弟墓滅不可識

茫茫荒塚積沙平七載滄桑遂變更聊慰新魂空作哭
寧知舊鬼可吞聲丁爲鶴姓歸難定杜是鵲名化不成
折得柳條何處插斷雲殘日總無情

中秋前二日趙家湖夜泊

秋月烘人悄莫溫孤舟偏繫向孤村分明彈指團圓節
何處開顏鑿落樽魚火引紅深入水狼烟虛白冷餘燄
篷窗不寐堅相盼抵恐寒波濕夢魂

過甘村嶺

江行已苦灘山行復苦嶺誰生不平物爲此天地梗懸崖橫古鎮參差瞰江影上崖秋草黃下崖流泉冷蹈險予何爲徘徊發深省

中秋玉山旅次

每逢時節倍酸辛況復他鄉更愴神縱有居停延逆旅那堪流落對佳辰三更簫鼓官城夢廿載風塵客路身白髮高堂明鏡裏知彈清淚憶征人

遊塢山寺

信河曲抱碧雲岑布襪青鞵試一臨高閣併收松氣滿

虛堂直受竹光深炎涼易換山僧面悲喜無端過客心
自是異鄉風景異每逢佳勝一沈吟

衢州江中

連日移舟得好晴冥冥離思不知驚靜中憶路千江遠
動處看山一葉輕儘與鷗鳬同淡蕩未須行止更分明
蘆花秋水空無際併入今宵客夢清

看舟中女郎釣魚

船家小女兒十五未嫁時
菱棹據船尾拂竿擲寒漪
游魚二三寸乘水相娛嬉
餌閒久不食上下凌空虛
豈未諳利叢紛紛誤所之
抑或識害萌微鉤露端倪
沉吟念

所以歛息攢其眉無意忽一獲綢繡而修頤宛轉未脫
綸弟妹爭來持舉頭見鄰舟頰紅嫩柔姿回身更背立
從容理釣絲

帝王灘大樹壇

何年封此樹數畝豫章材行客語猶爾帝王安在哉
水枯灘響澀烟重屋稜頽他亦有松柏歲寒空晚哀

艾公洞

縣官好事親劖出俯臨蒼茫仰突兀一穴敞然初無奇
旋螺側入始盤鬱大堂幽黯吸水光蝙蝠鼃蛇相宅窟
小門重逗梯所高樓制猶存石版沒低語響苔鳴鐘磬

大笑轟然震霆歟中空已剝比干心外梗尙餘防風骨
豈誠巧匠有鬼工毋乃巨靈爲此物返而登舟坐太息
定使夢境亦飄忽

子陵釣臺

獨持高節意何如天子故人空此居若爲客星宜釣艇
直同遊子憶鱸魚秦官已老種瓜圃漢使虛來賣菜書
世祖中興殊草草不應事業更無餘

方臘將臺

危石相持勢出雲江東年少盡從軍揭竿未是圖王手
推轂猶嚴拜將文無賴一時雖草創當年四海竟瓜分

宣和童蔡千秋恨舊事淒涼不可聞

萬壽行宮

日射崔嵬勢壯哉紅牆碧馬向城開山僧矜道迎

盤過蔀屋曾看

駐蹕來雨渡六飛流雨露一時三祝想風雷當年聞奏

南巡賦誰是甘泉第一才

謁岳武穆王祠三首

時會機宜實可憑雨河豪傑信梁興盡圍營堡爭扶義
並挽車牛不待徵計日收京清九禁先期飛檄掃諸陵
可憐十二金牌召震野呼號絕撫膺

帝自逡巡畏兩宮故教檜高主和同燕南枉廢金人令
河北空填壯士胸四海傷心三字獄千秋扼腕十年功
南枝不返泉長冷慘澹西陵恨有窮

天道人心定論彰褒封閭室盡軒裳河山淨掃風塵色
廟貌高懸日月光總爲後來留勸戒幾多前事感興亡
於公只作尋常看子孝臣忠分所當

吳江竹枝詞四首

吳江江裏夜行船新婦催撈翁正眠郎唱吳歌儂弗語
暗中搖過太湖邊

小兒三五競嬉遊秋來菱芡滿江頭莫道無船難入手

五銅盃作采菱舟

前洲已過後溪迴
衙尾迎頭棹不開
日暮榜人歸思急
大船還載小船來

桔槔聲亂夕陽斜
誰家女兒雙髻丫
不愁紫足行人見
雜坐聯歌蹋水車

登閭門城樓

霸圖千載後風物尙崔嵬
寒照一城出新煙萬戶開
居奇繁市井望古數樓臺
獨笑逢高勝臨風媿酒杯

吾谷

吾谷誇幽邃西風獨往還
勝遊重九節小築北邙山
古

樹幾年種秋雲無數閒未愁歸路寂松響止潺湲
拜先賢仲雍子游墓

端委蒙塵日弦歌出政時南來終愛父北學早知師山
姓誰爲著里名今尙垂不知瞻拜久白袷晚風吹
登虞山望海亭

石柱危欹賸故亭天高風急雨冥冥山痕海氣微難認
併作東南一片青

讀查山探梅集得職字

張子何淡薄土苴薄官職蕭然寡眾嗜文字獨貪冒吳
門一相見參差出新刻就中查山集驟賦光怪逼閭閻

遍宏萬一一麗以則我本山水人髮燥已老池昨行經
太湖風利不得卽三萬六千頃六浮茫未識露明孤山
廬烟亂衆香國馳想坐飛越把卷起太息檀園昔畫圖
終屈十千力今來閣已成我復負登陟咄哉前後李都
寄空巾色會當登其顛共君倒服匿一驂玉妃駕少貸
山靈責爲我謝梅花成言吾不食

拙齋餞席

宛轉羈人計殷勤長者心祇緣難作別翻使屢成吟短
日離亭逼長江去棹深明朝歸思決先夕爲沾襟

錢塘江夜泊

向夕錢塘始上潮
篙師語亂燭光搖
漸昏江色黏天闊
乍響濤聲撼地驕
人聚他鄉聊一樂
愁來濁酒且同消
可憐歌舞當年月
禁得淒涼照此宵

曉寒歌

行客且勿嘆聽我歌
曉寒冬夜如水浸
漫漫土屋茅落
星仰看主人吹火理晨餐
催客出門爭數錢
霜花迷天
日色匿朔風動地萬木翻
林威颯颯虎氣怒車聲轟轟
羊腸盤皺裂面膚
納手坐悠悠何求思之不得言
太行豈不高覆輒尋其巔
呂梁豈不險危帆來掀掀
酒劣聲苦歌無歡
岑參惆悵賒谷行李白
磨吁蜀道難嗟爾行

客聽之摧心肝近將歸求數頃田長鏡自把鋤春烟牧
豚釣魚上奉高堂鮮晚來執書自讀且課子相戒莫出
里門前

西園

城西風物數荒園誰占幽居巧避喧高樹月明枝拘地
古牆烟滿寺闔門水枯向臘無池影地僻經春有雪痕
猶喜居停曾不遠醉中時一慰朝昏

自支硎至華山近五里春日宴遊之盛士女肩輿可相
屬不絕吳中頗以此誇天下而迂者或不盡許也余
一再叅遊卽事雜書仿遺山俳體得絕句十有二章

俾采風者得以覽焉

支硎春到好容顏
帶雨尤雲日往還
何處飛來金屈膝
橫遮一十二重山

中土移來紫牡丹
碧油障子赤闌干
無端減却三分色
怨煞誰來倚檻看

眉黛薄施蛾子綠
口脂輕點洛兒殷
日高粉暈凝香汗
知在啼粧遠近間

錦袜亭亭夾子披
綠綢繆曳紫襪襦
血紅窄袖從容卷
露出通明玉臂支

百褶留仙窣地垂
麝香金鏤碧參差
來時緊束紅窮袴

任爾無情風倒吹

屈曲盤龍舊學成
九雛紫玉雨邊橫
何緣梳出拋家髻
抱面雙鬟蛺蝶輕

誰肯春遊著繡離
皂羅巾子製仍非
紫騮橫立分明看
不待回旋揭面衣

淺澹深濃各擅奇
橫烟却月勢低垂
宮中久失開元譜
好製新圖寫十眉

初來舉止猶羞澀
再到風姿已自然
爲道狂夫容見客
眾中誰贈夜飛蟬

山頭最好石門閑
仙路中通一綫間
寶馬香車齊約束

從教側帽倚雲鬟

駭綠紛紅春滿肩遊人空自拾花鈿阿誰亂入輿丁去
笑向輿中索酒錢

零落江南意可香只今鞦韆更芬芳歸來默數經遊處
而立東風最斷腸

支硎俳體詩作於壬午之春余年二十有八矣是詩
緣起略見原題蓋倣朱子釋鄭衛之意將以刺爲戒
也近年閱世漸深乃始悔爲妄作楊子雲云賦所以
爲諷殆不免於勸也雖然諷一而勸百然則余是詩
爲益少爲害多矣存而不刪用志余過又識其左方

俾後生知之毋復蹈余之所悔焉

上已師子林修禊分韻得山字

何地初濫觴上已競乘前山川有變化時序能往還今
日置酒地乃是昔人山昔人不可作吾黨重躋攀洞壑
黯深黑花木餘朱殷靈秘難獨守造物意所慳有逢與
季萌相因如轉環主人足清福榛莽手自刪樽俎不移
具主客爭欵闕我家臨水側松門閉空閒瞥來佳麗地
放意凌崢嶸踏青履未寄及此良宴間勝友嗟如雲雅
不畧疎頑高下列坐次參差橫食單健筆伏危歐十友
不足班蘭亭旣已矣此會良復艱安得徐賁手衣冠填

青丹點入畫圖中千秋想遺顏

春晚雨泛石湖同陳彥瑜

野芳無主亂風吹雲濕難飛貼岸垂小艇裝來春幾許
就中穿破雨絲絲

三分花事兩分殘共命清尊一破顏底事小舟難盪漿
行春橋外浪如山

拂面霑衣作薄寒江南春老雨漫漫遠林明滅都疑似
只得橫山一半看

零落殘山獨此中上方廢後石湖空桃花莫怨開無用
洗却燕支不肯紅

石佛岩高雨勢奇
范公祠老畫廊欹
何人更有田園興
來賦東風寂寞詩

山塘送春同顧晚人

彈指姑蘇便一春
柳絲風挽碧鱗鱗
故應飄泊天涯客
也作東君送別人

新漲都添宿水痕
旂亭牽舫酒微溫
殷勤三疊黃鸝舌
勸爾將歸盡一樽

梅子含青結小酸
楝花風起帶輕寒
溪山掩面都何事
煙草萋萋不忍看

子規枝裏再三啼
四月江南綠滿隄
却憶五峰濃樹色

只今烟雨夢中迷

重五讀書亭對雨分得三江韻

雄風挾雨飛濤瀧他鄉客心愁填腔告歸自怪行有口
來坐亭子開軒窗頗聞亂蒲喧水急時見翠羽穿林雙
共寫憂趣破離思相與斟酌傾春缸先生奇氣早英發
十年騷壇擁磨礱縱橫獨應四面敵健筆馳突如長杠
黃鐘金鑄噲咍發時復小鳴荅蕤撞我詩已媿山谷老
會盟不到曹鄴邦虛憍妄謂大敵勇三鼓往往投戈降
乃知天授不可測造物厚福鍾奇龐追趨上下有願子
春宵睽睽同銀缸牆邊始見榴破萼忽乘長風理篷雙

餞盤還剝益智粳贈我文明閒
愚憇蛟龍得失遑變化
黃頭自灑青鬃鬣相期更尾金
羈勒看取春花明曲江
壽傳丈

臨川山水實瑰偉鬱積靈秘鍾奇男邇來篤生傅伯子
英奪金玉傾杞柁抗行前人追絕迹凌蔑流輩驚跨含
我獲交臂接末坐往往傾倒聞未諳回旋面目向海若
淵源莫測溯遷談乘車戴笠恩誼固登堂若翁許拜參
相期顯揚發親志抑闕共困燈一龕霜飈無情桂子落
幡然挈我江之南丈夫氣骨各兀傲出門誰肯隨華驂
明年高堂酌大斗欲藉筆飽與墨酣陸機入雒勢莫敵

傾崑倒海恣採探才子鉅公富酬贈持此殊勝修澗甘
虎氣騰踔龍起蟄偶爲親出寧足慙及親祿養須滿志
毋得區區嗟金三

興安道中

興安山石壯奇拔信天成日晃呈金氣泉飛洗鍊英猊
魑疑出沒虎豹怪縱橫回首崩騰勢清宵噩夢生

信州竹枝詞

鉛山作粉嫌不明玉山作珮嫌不輕誰識上饒清似水
信州江在面前橫

信州大道日悠悠道左躊躇好酒樓擬向靈山進香去

可憐河水向西流

柘黃雞子值錢多藕粉澄鮮水一滴誰訪當壚乞漿飲
名家記得是清河

道中偶成和傳聖涯

臘半山桃也自天胡麻溪水碧迢迢一千里月常憐夜
十二峰雲盡愛朝油壁車輕藏小小畫欄杆曲倚翹翹
赤城霞彩無窮好可惜何人度石橋

同傳聖涯口占

人月不常滿卿雲無定姿故知行路急門巷一遲遲

徐王廟

朱弓玉矢兩茫茫欲問難尋舊辟疆仁義一時無氣運
江淮千載有馨香堂陰不散春風黑水氣長蒸夜月黃
猶勝孤舟飄泊跡書生那復弔君王

歲杪羈滯吳門陳彥瑜招宿文昌閣

明朝除夕尙逡巡深夜翻憐燭影親行色屢因晴雨亂
年華空逐往來頻一無成緒羈留事百不如人少壯身
媿謝陳蕃猶下踏南州高士已風塵

故人情重勸從容歲事崢嶸歸興濃世態共云啼不敢
行踪自問涕無從幾年冀北求良馬終古南陽有臥龍
他日兩江望雲樹浮沉珍重石頭封

別彥瑜

信宿綢繆淹小閣朝來黯黯送荒郊別時先見梅花放
到日應隨燕子巢渺渺共期千古業茫茫真數一人交
長江不少雙魚使好寄春風拂草茅

穆堂初稿卷之四下

臨川 李紱 巨來

秋山草

永新道中

東歸雙槳初投碇西去單車又碾輪
吳楚地分風色異冬春天換日華新
出門莽渺長千里得道蹉跎尙兩塵
虛向朝陽慚寸草暮烟回首更關人

永新譚烈婦血磚

磚在文廟

杏花壇殿春風冷振衣下拜千秋影
苦泥剝落半欲昏
青碧模糊猶可省
世遠驚嗟舊事奇
臨危想像貞心猛

但識三生重恩義何知一死憐要領芳魂不化血留跡
髣髴嬰兒抱孃頸橫天正氣散成霞入地丹心凝作井
自染青泥託劍光豈綠紅粉留妝靚陰風燐火夜煌煌
遙參日月同光景當年神州盡陸沉區區入磚寧足逞
山河破碎丞相愁此中一片猶完整卽今朝市更三遷
玉璫金甌何處永神呵鬼守獨不壞汗青斑管誰當秉
欲持尺土望文山大節精忠雙耿耿

五日客中題畫扇

扇作葵榴梔子花各一株

種別新羅應念土根移黃蜀定思家莫驚節物多離恨
蒼荷猶開故國花

五日旅懷

再歲逢重五他鄉節物虛蓬飛憐迹浪匏繫怨才疎破
醉秦聲遠招魂楚俗餘平生感風景高閣獨躊躇

山雲無足影檐雨有繁聲不識佳時至空教宿悶生綵
絲長命好蒲酒介年情無計今宵夢孤燈且復明

射樓次張明府繭岫韻

葵榴掩映出紅蕊松篁低亞搖碧潯佳辰雨過足暢敘
四筵諧譁交相侵吾聞古人重燕射序賓不侮良所欽
競竭目力命奇中智譬則巧成既淫我媿將家弦未搃
荒落射義寶酒箴蕉葉不盡先欲醉強挽數石勢莫禁

空傳縛縶弔忠魄射蛟誰向湘江陰使君意氣古豪士
公餘往往忻盍簪少稷孤懸一何渺自引鳴鏑開雄襟
乍發搜然應響脫環觀若堵驚汗淋平生智勇不自炫
便當大敵寧足禽從容釋弭還顧笑豈真尙力矜烏任
奇才妙伎自天授滅影絕跡那可尋眾賓卒爵載揚解
一賞赤羽酌綠沈

九言題蔣鶴山小影

吾聞仙鶴之形清且寒高山大谷之勢靜而安兩者氣
味超然物象表我欲髣髴其人世絕少姑蘇蔣君自題
曰鶴山披圖對之令我開心顏君家西洞庭山之石室

縹緲諸峯鸞鶴所棲息地靈天巧人事合并成儼然素
鶴丰標山性情無端點入三尺鵝絨絹依稀箇中蔣君
呼欲現維鶴神清警露九皋鳴維山懷金抱玉應運生
養成鍛羽正合凌秋起誰令虎頭畫君邱壑喪我塊紛
紛未免稻粱謀逡巡五嶽名山不得遊俯仰名字非山
亦非鶴珠玉晃然照人使形惡鶴山旣顯此圖亦足珍
他日展圖還憶題詩人

題閨媛墨繡

拋擲天孫織錦絲鸞鍼象管許參差乍驚蘭露如啼眼
旋拂桃烟有笑姿落墨花濃青宛轉泥金圖重碧流離

清谿別是神仙路界畫何人自得師

自廬陵復之永新

舟楫頻年廬永開冥冥孤壑走重山千羣黑散牂羊石
百丈聲哀盡角灘來往日車翻木末西南風壤接苗蠻
悲歡半爲他人轉畏向寒流照旅顏

七夕用昌谷玉溪韻各一首

天上虛無事人間幾許愁私情唐別殿巧會漢高樓照
仗榆千點淩波戰一鉤雙雙容臥看客裏第三秋
郎工駕寶車妾擅織明霞風馭元無轡天衣自著花夢
疑雲影薄愁見月光斜多謝雕陵鵲河梁舊有槎

頽桐

俗呼百日紅見劍南詩

盡道花無百日紅
小園新種有頽桐
微陽小雨勤將護
好待山中九月風

醉芙蓉歌

江神曉出秋江浦
隔水盈盈謝交甫
珮環零落玉參差
蹴損朝霞散輕縷
豔絕奇光無處歸
化作名花遍中土
讀騷頗憶攀木末
好古多言霜可拒
亦聞西川有錦城
睥睨青紅千萬樹
此花別自有仙胎
舊日根株何足數
禾川官舍誰種成
拔地天葩驚未覩
綺帳橫空三十尺
矗立千條青玉柱
崩奔晚浪破碧海
閃爍殘虹開紺宇

平明號國向金門淨洗鉛華出眉嫵素裳縹緲何天然
片片湘雲掠飛羽朝光弄色暖意足忽破嫣然發輕齟
玉痕漸減酒痕添鵲鴝典後春華醺日暮霓裳爛夕暉
駕蟾直擬清虛府鏤帶中通瑪瑙光寶簪斜約蜻蛉股
馬上榴裙彩蝶翻萬紅奪盡藏春鴈當年太真被卯酒
恣嬌不畏天顏迓髻亂釵橫誠可憐比似名花知熟愈
三變多緣心醉深豈耽醺醑分鸚鵡臨川羈客飽烟霜
白紵青衫笑靨縷多謝奇姿不相棄歲晚相期向空圃
憐卿飄泊怨驚鸞嗟我燄光非繡虎未逐東風燒杏花
獨守寒芳相喚咻何人喚子作文官細按空名眞莽鹵

輕陰不散紅冥冥豆棚冷過重陽雨秋風倚笑意長閒
早露淒清心亦苦丁郎不歸石郎老阿誰更作專城主
蹙蹙猶稱閨苑花芳卿舊在神仙譜許拉瑤英更訪君
瑛盤擘我紅虬脯

醉芙蓉晨開暮合無越宿之花雨後忽破常觀新英既
白舊萼猶紅變眩繽紛咨嗟竟日爲長句以賞之

倂風憇雨屬酸辛不信花光揔絕塵奔月老姬丹駐景
待年嬌女玉懷春帳中塑雪晴難化臂上餘朱晚更勻
舊好新歡定誰勝祇應輸與看花人

九日遊梅田洞次張明府韻

梅田萬石何離奇，攢簇劍鋸森戟架。巨靈擘跡夸娥負，孰向古初窮造化。蔽虧日月隱光明，開闢地天分晝夜。三年夢想今一慰，目儼耳傭驚不暇。陽崖陰隧相臨陵，羊脂玉理黃金梭。夾持雙火照重暗，直排阨塞窺崩騰。幽龕回互一何夥，蘭臺少室刻畫恒。蝙蝠撲人風漠漠，鍾乳接地雲馮馮。得名傳自唐天寶，當日神山事幽討。漫遣張均索妙符，真仙不愛金龍禪。暗池紅水搖丹砂，絕壁明珠挂火棗。瑤宮上藥自珍秘，肯許人間紛草草。山容不共歲月更，苔衣猶碧石猶頽。白慚靈運心多雜，未信長源骨獨輕。瓊漿石髓交流滿，銷愕不敢携一觥。

金華塵土亦荒穢玉堂那得齊蓬瀛便擬此中結茅屋
謝却雄飛守雌伏逝許還丹養道心英教弄墨觀除目
洞裏有花記冬夏世外無因問涼燠一章狂寄洞中人
怪爾凡夫輒相瀆

梅田洞中書所見得十截句

石柳

出地亭亭便十圍籠烟抱霧不勝垂金城節使休相訝
未要東風借力吹

卽教露壓枝猶勁縱遣風搖葉亦齊寂寂誰知千載意

只今輕薄號高飛

移楊一名高飛

石龍

泥蟠局踞冷雲隈
吟向秋風戛玉哀
天帝謫來爲守藏
不容易起風雷

石鼓

吳郡叩聲煩擊考
周京留篆費摩挲
渾金璞玉惟君爾
虛響浮文奈汝何

石碁枰

楸玉枰虛罷合圍
年來冷暖更誰知
長安國手爭先著
看到空山下子遲

殘局何年擲此閒
不勞奪角與衝關
真人勝負原無用

白鶴松陰盡日閒

石田

耘芝飼鶴種靈苗
碧玉花時未寂寥
自是世人輕棄擲
教將無用作逍遙

石池

列炬幽宮渡冷泉
碧光紅影兩娟妍
心知不是仇池穴
猶想潛通小有天

石床

知費神工幾運斤
不緣局脚感斯文
蓮花七寶尋常事
且向深山臥白雲

石羅漢

珠眉螺髻老荒烟
繞座蘆芽鄰遍穿
只道此公難解脫
不知面壁要多年

次龍孝廉因庵韻一首

古洞荒寒日月閒
空留門徑與人間
年深鍾乳多成石
日暮歸雲併作山
絕壑千穿通地肺
透空孤竇想天顏
定知中有神仙宅
慊從無勞勸早還

游秋山次張葦齋十一首

出郭

烟橫睥睨變朝光
閑處尋山覺更忙
初照半城喧鳥雀

輕陰十里散牛羊
羽輿稍勝支筇樂
手版誰饒拄頰狂
天際危峰青一點
乘風今日訪雲將

龍溪

大小靈湫雁宕遠
仙官空說九龍潭
我生好事愛丘壑
剖鑿鴻濛闢渾涵
秋山一溪最奇絕
回回山足青於藍
涼氣冰人噴空薄
青山倏忽風雨酣
日光破碎寒炯炯
岩花蕭瑟陰薨薨
危石半道插空起
蟻山崒崒堆蜿蜒
殷地崩雷玉蛟走
千尋飛瀑凌珠龕
縱橫垠塹恍俯仰
拆裂吳楚搖東南
古老傳聞有龍伏
抑閤掩蔽不可騁
斷崖彷彿爪擘蹴
腥涎想像須鬚鬚
餘霞閃映出光景

抱珠熟睡時敢探幽靈秘異故不乏沈牛禱旱驚街談
從來神物有變化人生對此內發慚三年蛟屈寄禾水
知我媿負劉尹懷揭來攜手訪蛟室如饒得飽一肉甘
致身福地我所羨飢驅不暇臥烟嵐却對龍溪再三歎
千頭安得木奴柑

魯公字

平原垂勁節柔翰識心傳正直神丁守精靈鬼斧鐫摹
喚肥轉失鈎惜笨相懸化劍虛求水亡珠忽在淵貌應
奔抉石龍直欲跳天掃壁悲陳迹臨池感背賢漏痕青
薜滅釵脚紫藤纏興廢誰當測高低孰與遷

字舊高數丈鉤者必

連梯今去
地不二尺
陳倉泥半落鄒嶧火都然不畏驚雷如撻崖
紙揭干

秋山

朱陵古仙窟地軸頓炎鄙積想開曾雲距茲數百里秋
山小南嶽磅礴壓禾水七十一奇峯虵龍爭伏起仙令
飛鳥來蒿目營四履政勤不得遊夢斷青蒼裏無端忽
投閒挈我凌清峙絕壁夾深溪綠逕僅盈咫枝條千百
分坡陀散剝塹窅杳一氣含豈復辨彼此谷延以濛濛
石裂何齒齒霧露無時休風日偶然美草木不知名亂
花雜紅紫溪光奔白虹連蜺掠沙嘴過橋得蘭若小憩

折屐喜清興轉勃發欲撓不可已既遠黃塵汗寧爲丹
崖澤林巒歛異色瑳瑳入斜晷松檜發清音箏籟滌凡
耳山靈待來者古人亦往矣奇勝躬歷難一一僧遙指
其餘小洞壑棄若粟有稅土竈煮泉脚玉舂斫地髓綢
繆逆旅舍寂寞空門子微燈夜來發默視對相倚暮鼓
碾晴雷悚息疑喪亡乃知身世外頗具清淨旨欄疎星
滿屋窗寒月盈紙嗒然吾喪我靜隱南郭几太息方術
愚覆車何比比射魚三神山上藥求不死

倚天湖九言

湖在山頂

吾聞具區三萬六千頃七十二峯縹緲稱絕高其下金

庭玉柱林屋洞洞中往往頂上聞波濤頗疑造化小兒
殊好事穿穴湖底不得容鯨鼈今觀倚天之湖更奇絕
盤礴青山肩脊誰抑搔濁浪三尺夜捲琉璃屋微波十
里晴暴銀絲縑蕪蘇路絕漁者亦莫往惟見危柯接飲
垂猿猱天淵上下相去只一握驚怪陵襄山懷天欲滔
安得太華峯頭玉井藕掘取作船汎之亦足豪便擬直
湖天河犯牛斗何必飄飄乘風生羽毛

赤而峯

日光霞氣抱天閣南面應爭赤帝尊倒景漸昏猶返照
東方未上已朝暉

凌霄峯

十年天路悵迢迢未附青雲阻絳霄擬訪雙童烟霧裏
定知還是古松喬

五老峯

浮河芝檢誰傳與不見當年綠字題隨地化爲光嶽氣
秋山匡阜兩名齊

雙童石

嘗讀古歌飛仙凌空一山高高上有兩童今我來思邈
兮雙石其服維何風痕雨迹安得丸藥貽後山頭鑒心
規圓凡妄以繆汝面如墨汝頭如筆叩之寂然伊子自

失

尋三相堂故址

芸生九土紛黎烝唯有豪傑流聲稱往往卿相起屬簪
沒沒誰知粥飯僧台鼎綸扉不易登禾山三相良足矜
姚公事業古疑丞才大難偶人頗憎臨事敏決無葛藤
開元盛治實倚憑奇章文采道未弘中間波激何峻嶒
太平無象孰與徵百年朋黨弊相承那信前身忽代興
楚公殊不相因仍舊堂蕪滅漫坡塍空山俯仰思惛騰
古來才者互憑陵當時姚張不相能牛李交譏誰鵝鵬
文安北使蒙青蠅雲蒸龍變偶一乘四海要當攬轡澄

不見奇絕如滂鵬安問人間炭與冰

贈僧無垠用陸貞山韻

塵鞅無端滯幾秋空思枕石漱清流欲攤錢恐輸屐
便應科還笑擊毬慧業兩林虛白社禪燈七祖數炎州
撫琴他日慙宗炳早訂人間五嶽遊

次韻荅顧晚人兼寄陳彥瑜徐達夫

吾間今世輕交情翻覆手間雲雨變丈夫意氣青天高
玉壺之冰心一片偶然浪迹向中吳雜沓名流盛賓餞
風流雲散忽經年夢裏相尋或相見吾黨顧子最飛揚
旂鼓東南當一面置身須直承明廬讀書還入鑾坡院

鵬翼猶虧六月風且伏山中親筆硯新詩寄我何崢嶸
劍南石湖不足羨煩君相爲謝陳徐伯勞終逐西飛燕
長江吳榜多於萍一帆看挂秋風便

讀北史循吏傳有感二首

二千石妻女樵采非風雅家粟一何多賑貧邀賜馬張
廩與路邕詭激寧非假况乃杜筭輩降虜不足罵餘子
殊寥寥欲識舍鄣下君子平其政行辟人可也富教有
弘術惡用區區者卓哉張國滿風力挺瀟灑決斷蘇珍
之威惠兼陶冶修芝更不測轉旋如炙輶劉魏政亦佳
殺青或可寫作者苦無識良玉雜以瓦苟無數君子掩

卷笑欲啞

讀北史孝行傳

孔門七十子雪涕感皋魚陽城訓諸生定省先詩書我
獨缺三釜天涯逐微糈俯仰不自由戚施而籛條柳花
始獻歲褰衣辭我廬六龍一何駛日月忽不居夕照爛
芙蕖秋風碎巴且邈邈白雲影親舍遠何如牽車致孝
養洗腆亦已疏豈若藝黍稷朝夕戀菑畲傷哉季子貧
菽水屢歔歔負米嗟百里而我千里餘悲感結魂夢顛
倒喜懼俱雞豚不逮早五鼎終空虛我年甫三十須鬢
歲相殊及壯悟衰理況於老者歟終求數畝田躬耕謝

倚闌

貧者士之常士貧節乃著我性自倔強一往不回顧既
無戚戚憂亦鮮營營慕二鳥不足齒況乃感枯樹所嗟
在高堂日逼暍暍暮藜藿未能克飢驅那得住白髮時
彊歡內省一以懼妻孥可食貧仰事良已誤回也誠賢
哉簞瓢樂其素苟無負郭田何以慰顏路

三十初度

三十今朝過風塵遠未歸他山春宛宛別館夢微微有
室遺青履高堂望綵衣躊躇天際暮寂寞壯心非

卑濕南方地驚心畏早衰每憐王掾少但覺顧生遲榮

臨知何定修明尙可期春陰莫輕謝萬綠正深時

壽洪獅山先生六十

大雅今誰作小山空復吟老成弘素業晚進得先心佩
德應欽寶忘年許斷金詩壇憑指使古道獨擔任名也
千秋事天平十日霖璧投寧忍怒珠失尙堪尋曾信魚
依藻行看鹿食苓後車時可俟前席夜初沈江上工題
瑟長安莫碎琴草堂留舊雨尊酒爲君斟

送友歸姑蘇

天涯攜手賦無衣白石青松事每違雞有失晨思再補
烏呼共命許齊飛贈鞭我忍斯須別襖被君先慷慨歸

梢帶吳江楓冷後寺鐘同聽夜燈輝

秋山抱爽圖

七十一峯小南嶽吾鄉鉅鹿誇秋山朝陰夕輝態無定
拱揖衙舍相迴環清河佳令神仙客手扳朝朝對青碧
傳聞垂屋分太華何似此中君獨得我來老盡秋山秋
颯然餘爽豁雨脾湘簾半捲翡翠入清尊不動琉璃浮
使君政成山亦喜滿貯烟雲潑螺子十秋萬歲訪勝事
應問秋山誰重汝

永新留別張邑侯韋齋

更誰賓從慰朝昏挽袂重持酒一尊人事黯然唯有別

世情荒爾不堪論天於我輩高難問道在斯民直尙存
暫向東門愁立馬一江新浪夕陽奔

感事六首呈張邑侯

三年親見古人同喫咻焦勞百里中虎說年來爭渡水
火聞夜起拜回風新烟按堵歌廉范靈雨隨車記鄭洪
惆悵暮雲無限影高樓想像夕陽紅

邸報初聞中外驚忽看衙內買舟行六街痛哭朝闕市
四郭喧傳夜塞城守

闕倉皇奔萬姓聚旛慷慨立諸生義山忠憤今猶古五嶽
峻嶒未可平

炎風朔雪敢誰豪尺土

王章久弁髦相忍可憐爲國誤獨醒寧愛保身高也知仗馬
鳴先斥應念蜚鴻翼最勞今日相看更何語共君痛飲
讀離騷

廉吏由來不可爲苦心何事竟如斯遙遙北極星辰隔
寂寂東風草木知千里挂帆真載土萬家墮淚欲沈碑
此時共挽公歸駕毋使東人日夜悲

策馬何當向仕途茫茫交集北瞻烏中人久已因緣絕
外論寧知底裏殊誰主幽明真鹵莽君將富貴等葭莩
旁觀待與甘陳訟無路排雲得一呼

長安冠蓋昔追陪
軒冕泥塗倦往來
青眼故人殊安爾
白頭從事亦悠哉
名山自定千秋業
下邑誰知百里才
直到臨行須抗手
滿船絲竹爲公開